

傳氏眼科審視瑤函

傅氏眼科審視瑤函方印

卷之二目錄

注熱反尅之病

芍藥清肝散

通氣利中丸

黃連天花粉丸

黃連爐甘石散

龍腦黃連膏

啗鼻碧雲散

蕤仁春雪膏

風熱不制之病

羌活勝風湯

杏仁龍膽草泡散

七情五賊勞役饑飽之病

柴胡復生湯

黃連羊肝丸

當歸養榮湯

助陽活血湯 決明益陰丸 加減地黃丸

血爲邪盛凝而不行之病

川芎行經散 消凝大丸子

氣爲怒傷散而不聚之病

千金磁硃丸 滋陰地黃丸 石斛夜光丸

滋陰腎氣丸

血氣不分混而逆結之病

防風散結湯

熱積必潰之病

竹葉瀉經湯 蜜劑解毒丸

陽衰不能抗陰之病

決明夜靈散

陰弱不配陽之病

沖和養胃湯

東垣瀉熱黃連湯

益氣聰明湯

心火乘金水衰反制之病

還陰救苦湯

菊花決明散

神驗錦鳩丸

萬應蟬花散

內急外弛之病

黃芪防風飲子

無比蔓荊子湯

奇經客邪之症

撥雲退翳丸

梔子勝奇散

磨障靈光膏

消翳復明膏

爲物所傷之病

除風益損湯

傷寒愈後之病

人參補胃湯

強陽搏實陰之病

抑陽酒連散

亡血過多之病

芎歸補血湯

痲疹餘毒之病

羚羊角散

消毒化痲湯

深疳爲害之病

扶苓瀉濕湯

升麻龍膽草飲子

傅氏眼科審視瑤函卷之二

秣陵傅仁宇允科纂輯

增張文凱延獻參閱

廣陵林長生聲震較補

男傅維藩國棟編集

甥張秀徵訂正

公猷 掄 全次

大梁周靖公亮節較梓

體仁 額

目病有三因

陳無擇曰。喜怒不節。憂思兼併。以致臟腑氣不平。鬱而生涎。隨氣上厥。乘腦之虛。漫注目系。陰注於目。輕則昏澀。重則障翳。眵淚努肉。白膜遮睛。皆內如數冒風寒。不避暑濕。邪中於項。乘虛循系。以入於腦。侵於目。而生目病。

者皆外。若嗜慾無節。飲食不時。頻食五辛。過啖炙煖。馳騁田獵。冒涉烟塵。勞動外情。皆喪明之具。此內外因也。

徐彥純曰。人之眼目。備臟腑五行相資。而神明故能視。若內障。乃瞳神黑小。神光昏昧也。外障。則有翳膜可見矣。凡見內障。有因於痰火氣鬱。血熱偏陽。偏陰。虛脫榮衛。種種不同。外障。有起於內。背睛上。睛下。睛中。視其翳色。從何經來。惟宜分治。蓋目之為病。肝熱則昏暗。心熱則煩痛。風濕則癢。血少則澁。腎虛則睛損。甚則陷突。微則翳暗矣。

診視

脉經曰左寸脉洪數心火也左關脉弦而洪乃肝火盛也左尺

脉微弱乃腎水不升也右寸關脉俱弦洪乃肝木挾相火

勝之金而戕已右尺脉洪數為相火邪而燦目也按六脉

所勝之土也右尺脉洪數為相火邪而燦目也按六脉

浮緊有力者為寒沉數有力者為熱微細而弱者為虛

洪大而滑者為實夫五臟常欲相順相生如心見緩肝

見洪肺見沉脾見濡腎見弦此五臟相合相生之理稟

太和之氣其疾何以生焉是為疾者五臟必相尅相戾

如心見沉細肝見短滑腎見遲緩脾見洪大脾見弦長

此五臟相尅相戾遞相互變之機其疾再無不作者萬

物生尅一定之理豈止於病目而言哉經謂五臟不和

則六腑不通六腑不通則九竅疲癢九竅疲癢則氣血

壅滯亦令人憎寒發熱惡風自汗胸膈痞滿有類傷寒

似瘧但目紅赤而頭不痛項不強身發寒不致戰慄發

熱不致悶亂為異而為外障或頭眩目昏頭痛而目不

紅為內障由人於六淫七情飲食色慾過度運動失宜

豈能一一中節而無所乖亂臟腑關竅不得宜通而痰

內漬也子特叙痰飲之脉皆弦微沉滑或云左右關脉

大者或伏而大者皆痰也。腹皮及腹或如灰烟黑者亦痰也。然治法痰因火動降火爲先。火因氣逆順氣爲要。亢則害承迺制者。寒極則生熱熱極則生寒。木極而似金火極而似水。土極而似木金極而似火。水極而似土。他左手寸口心與小腸之脉所出君火也。左手關部肝與膽之脉所出風木也。左手尺部腎與膀胱之脉所出寒水也。右手寸口肺與大腸之脉所出燥金也。右手關部脾與胃之脉所出濕土也。右手尺部命門與三焦之脉所出相火也。

六脉者浮沉遲數滑濇也。浮者爲陽在表爲陽爲虛也。沉者爲陰在裏爲濕爲實也。沉遲者爲陰寒在臟也。浮數者爲陽熱在腑也。滑者血多氣盛也。濇者氣滯血枯也。

八要者。表裏虛實寒熱邪正也。表者病不在裏也。裏者病不在表也。虛者五虛也。脈細皮寒氣少泄利飲食不入也。漿粥入胃瀉止則生。實者五實也。脈盛皮熱腹脹前後不通。脅悶也。大小便通利而得汗者生。寒者臟腑積寒也。熱者臟腑積熱也。邪者外邪相干也。正者臟腑自病也。

內經謂目病赤脈從上下者太陽病從下上者陽明病從外走內者少陽病從內走外者少陰病。太陽病宜溫之。散之。陽明病宜下之。寒之。少陽病宜和之。少陰病宜清之。

保命集云。眼之爲病。在睛則爲表。當除風散熱。在膜則爲裏。當養血安神。暴發者爲表。易治。久病者爲裏。難療。按此論表裏之不同明矣。用以治病。如鼓應桴也。

靈樞經狂篇云。目眥外決於面者爲銳眥。在內近鼻者爲內眥。上爲外眥。下爲內眥。

凡看目疾者。男子多患左目。女子多患右目。此陰陽氣血不同故也。或有左右無常者。乃邪熱攻迫故也。如男先傷左目。而右目屢發。定不可保。女先傷右目。而左目屢發。亦不能救。必須觀人老少壯弱爲主。少而壯者易治。老而弱者難治。易治者用藥溫和。難治者用藥滋補。隨

症用藥不可執一。目症雖有多端。然看者先將難易預
定。用藥不致有悞。如瞳神凸凹者。不治青綠白色者。不
治純黑者。不治睛少光彩者。不治此老人血衰之症。若
翳障如半月之狀。但難治之。若睛圓不損。不論星多少。
翳厚薄。悉皆治之。翳怕光滑。星怕在瞳神。總宜翳膜輕
薄。星點細小。若遇翳障未盡。切不可用刀割。目得血而
能視。刀割則傷血。亦不可用火炙。翳膜生自肝火。又以
火攻之。是以火濟火。豈是良法。惟服藥於先。必兼點藥。
則病漸退。根陰而不復發也。

按目病有外感。有內傷。外感者風寒暑濕燥火。此標症也。

患者致目暴發疼痛白睛紅腫淚赤爛其勢雖急易治內傷者喜怒憂思悲恐驚此七情也患者致黑珠下陷或起蟹睛翳膜障膜或白珠不紅瞳神大小視物昏花內障不現其勢雖難治又有不內不外而飲食不節饑飽勞役所致皆謂肝爲主目病雖多不外風熱虛實之候治亦不離散清補瀉之法然補不可過用參朮以助其火惟用清和滋潤之類瀉不可過用硝黃龍膽以凝其血惟用發散滯滯之類藥用宜輕則目自愈今人治目往往非大補則用大寒多致受傷治目毋投寒劑同是要法又當省其致病之源以治之如食酒者

徐戒其酒。好色者。緩緩戒其色。暴怒者。要言戒其暴。怒不聽。則難療也。然心生血。脾統血。肝藏血。血得熱則行。得寒則凝。凝則生翳。生膜。目斯患矣。不可不慎。凡病目。後宜滋腎水。何也。目以肝為主。肝開竅於目。目得血而能視。若滋腎水。則水能生木。木能生火。火能生土。土能生金。金能生水。生生不已。其益無窮。若腎水虧耗。則水不能生木。木不能生火。火不能生土。土不能生金。金不能生水。肝血虧而火妄熾。其害可勝言哉。

目不專重診脈說

夫曰有是病。卽有是脈者。此亦大槩言之。其微渺未必皆

可恃乎脉也。如目病必視其目爲內障。爲外障。內障有內障之症。外障有外障之症。必辯其爲何症。所中所傷之淺深。果在何輪何廓。辯之明而後治之當。今閨閣處子。暨天貴介之族。但舒手於帷幔之外。診其脉。卽欲治其病。且貴其用藥。當而効之速。不知用方脉之專重乎脉者。尤望問居其先。而切脉。居於後。蓋切而知之。僅謂之巧耳。況症之重者。關乎性命。而惟恃巧以申之。何輕視乎性命耶。必精詳審辯。而後治之可也。重性命者。當必以是言爲然也。矧目爲五官之最要者。哉。假令一瞽目。隱身於帷幔之中。舒其手於帷幔之外。其一無所管。不與有目者相同也。切

脈者從何脈辨知其爲醫耶。恐上古聖人亦未易知。後賢豈能臻此之妙而知之耶。必猜度擬議之。而用藥亦猜度擬議之藥爾。欲其當而效之速。實難矣。較而論之。兩悞之中。病者之自悞爲尤甚也。茲特摘出其弊。必於診脈之外。更加詳視。始不至有悞耳。

目症相同所治用藥不同併戒慎問答

復蘇子曰。昔有客問先大人云。均一病也。其症不異。子何以治之不同。用藥各異。其効有速有遲。有愈有不愈者。有治之者有辭而不治者。其故何也。大人聞而應之曰。夫古之善醫。先精造乎學業。次通達乎人事。見幾而作。圓融變

通不拘一隅不執一方于謂予同病而異治不知人事有
種種不同者也或男子婦人嬰兒處女。體察老弱。師尼姪
妻。並之胎前產後。與夫情性之溫暴。飲食之多寡。二便之
通塞。四時之寒暑溫涼。病症之虛實冷熱。歲月之遠近淺
深。有能節戒。不能節戒者。服藥曾傷元氣。未傷元氣者。干
蕪萬狀。不可勝計。治之安可同於一轍乎。況富貴貧賤之
殊。迷蓋富貴之人。其志樂。其性驕。或酒色之不戒。家務之
勞心。暴怒之傷肝。以致五火俱動。且藥餌委諸童僕。火
或失宜。故取其効也不易。至於貧賤者。其志苦。其形勞。因
薪穀之憂。忿怒之傷。或藥餌力乏不繼。欲愈其疾也。

難言之症。同而治異者。蓋爲此也。今就先大人之論思之。
誠不可拘一隅。不可執一方也。但他惡之。戒人酒色勞怒。
猶易。獨目病之。戒人則難。他病身體無力。四肢疲倦。而念
難起。惟病目者。身體強健。而念易動。動則精出竅矣。夫天
地以日爲陽。雨爲陰。人以火爲陽。水爲陰。人靜則生陰。動
則生陽。陽生豈不爲火乎。至於怒。又爲七情之一。最易傷
肝。肝傷則目必損。肝竅于目。故也。恣酒助陽。動濕熱而燥
陰。縱色又爲傷腎之要。人身臟腑皆火。單有腎水一點。以
制之。豈可輕忽不慎。丹溪先生言。人心若火。一動相火卽
起。雖不交而精亦暗流矣。又有愚夫愚婦。病目不知自愛。

俱言假此以洩其火。此非去火實乃抱薪救火也將
見火未熄而燄愈熾。此不知乎此則輕症變重重
症變為不治之症。此耳業是科者善為詞以
深戒之可也。

君臣佐使逆從

君為主臣為輔佐為助。為非。置方之是也。逆則攻從則
順。反則異。正則宜。治逆則病也。逆則病也。逆則病也。逆則病也。
之主也。不宜不明不。之臣之。能令能令
能分者佐之助也。或。使之用也。砂寒
必熱逐熱必寒去燥必。則攻也。治驚須

平治損須溫治留須收治堅須潰者從則順也熱病用寒藥而導寒攻熱者必熱陽明病發熱大便硬者大承氣湯酒製大黃熱服之類也寒病用熱藥而導熱去寒者必寒少陰病下利服附子乾薑不止者白通湯加人尿豬膽之類也塞病用通藥而導通除塞者必塞胸滿煩驚小便不利者柴胡加龍骨牡蠣湯之類也通病用塞藥而導塞止通者必通太陽中風下利心下痞硬者十棗湯之類也反則異也治遠以大治近以小治主以緩治客以急正則宜也至真要論曰辛甘發散爲陽酸苦涌洩爲陰鹹味涌泄爲陰淡味滲泄爲陽六者或收或散或緩或急或燥或潤

或奠或堅所以利而行之調其氣而使平故味之薄者陰中之陽味薄則通辛苦淡平是也氣之厚者陽中之陽氣厚則發熱辛甘溫熱是也氣之薄者陽中之陰氣薄則發泄辛淡平清涼是也味之厚者陰中之陰味厚則湧酸苦鹹甘寒是也易曰同聲相應同氣相求水流濕火就燥雪從龍風從虎聖人作而萬物覩本乎天者親上本乎地者親下物各從其類也故置方治病如後

性熱反世之病

腎氣之變滋味過也。氣血俱盛。稟受厚也。元陽生炎。陰不濟也。邪入經絡。內無禦也。因生而化。因化而熱。熱爲火。火

性炎上足厥陰肝爲木木生火母旺子子以淫勝禍發反
尅而肝開竅於目故肝受尅而目亦受病也其病眵多眦
燥緊澀赤脉貫睛臟腑秘結者爲重重者芍藥清肝散主
之通氣利中丸主之眵多眦燥緊澀赤脉貫睛臟腑不秘
結者爲輕輕者減大黃芒硝芍藥清肝散主之黃連天花
粉丸主之火盛服通氣利中丸目眦爛者內服上藥外以
黃連蘆甘石散收其爛處兼以點眼春雪膏龍腦黃連膏
啼鼻碧雲散攻其淫熱此治淫熱反尅之法也非膏梁之
變非氣血俱盛非亢陽上炎非邪入經絡毋用此也用此
則寒涼傷胃胃氣不升降反爲所害治疾者不可不明也

噫香諸

芍藥清肝散

治時多肥燥緊澀明赤脈貫肺脈肺氣結

白朮 石膏

真川芎

防風

桔梗

滑石

各三錢

荆芥穗

前胡

芍藥

甘草

蘇薄荷

各二錢半柴胡

黃芩

知母

山梔仁

羌活

各二錢半芒硝

三錢大黃

共末每服三錢水二鍾煎至一鍾食遠熱服。

右方為治淫熱反尅而作也風熱難制之病熱甚大便

結者從權用之蓋苦寒藥也苦寒傷胃故先以白朮之

甘溫甘草之甘平生胃氣為君次以川芎防風荆芥穗

梔子之辛溫升發清利為臣又以芍藥前胡柴胡之

微苦。薄荷山梔黃其之微苦寒。且導且攻。爲佐終以知母滑石石膏之苦寒。大黃芒硝之大苦寒。祛逐淫熱。惟大便不結者。減大黃芒硝。此逆則攻之治法也。大熱服者反治也。

通氣利中丸

治證同上

錦紋大黃

二兩

滑石

取末

牽牛

取末

黃芩

各而

雲頭白朮

各五錢

一兩白芷

羌活

各五錢

除消石牽牛

另研極細末

外餘合爲細末

入土藥和勻

滴水爲丸

如桐子大

每服三十丸

加至百丸

食後臨睡

茶清送下

右方以白朮苦甘溫條胃中濕爲君白芷辛溫解利羌活苦甘平微溫通利諸節爲臣黃芩微苦寒燥熱燥化滑石甘寒清利小便以分清濁爲佐大黃苦寒通大便瀉諸實熱牽牛辛苦寒利大便除風毒爲使逆攻之法也風熱難制之病熱甚而大便結者亦可兼用然牽牛有毒非神農藥今與大黃並用取性猛烈而快也大抵不宜久用久用傷元氣蓋從權之藥也量虛實加減

黃連天花粉丸 治同上

黃連 菊花 蘇薄荷 川芎 名四兩 黃藥 六兩 連翹 二兩

天花粉 黃芩 梔子 名四兩

右爲細末滴水成丸如桐子大每服五十九加至百九
食後臨臥茶清下

右方爲淫熱反逆臟腑不秘結者作也。風熱難制之病。
稍熱者亦可服以黃連天花粉之苦寒爲君。荆花之苦
甘平爲臣。川芎之辛溫薄荷之辛苦爲佐。連翹黃芩之
苦微寒黃蘗梔子之苦寒爲使。合之則除熱清利治目
赤腫痛

黃連爐甘石散 治眼腫破爛長日羞明係治同上

爐甘石 一觔 黃連 四兩 龍腦 量入

先以爐甘石置巨火煨通紅爲度。另以黃連用水一盞

磁器盛貯。納黃連於水內。却以通紅爐甘石淬七次。就
以所貯磁器置日中晒乾。然後同黃連研爲細末。欲用
時以一二錢再研極細。旋量入龍腦。每用少許。并蕊水
調如稠糊。臨睡以篋頭蘸傳。破爛處不破爛者。點眼內。
皆銳骨尤佳。不宜使入眼內。

右方以爐甘石收濕。除爛爲君。黃連苦寒爲佐。龍腦除
熱毒爲使。凡目病俱可用宜者。固可。卽不宜者亦無害
也。青經客邪之病。量加朴硝。泡湯。病眼瘀肉。黃赤脂上。

龍腦黃連膏

治目中赤脈
如紅熱炙人

川黃連

八兩 片腦

一錢

右以黃連去蘆刮去黑皮洗淨剉碎以水三大碗貯於
瓦器內隨入黃連於內煎用文武火熬減大半碗濾去
渣以滓復煎濾淨澄將入薄磁器盛放重湯蒸頓成膏
約半盞許再復濾淨待數日出水毒臨時旋加片腦以
二錢爲率用時酌量加之不拘時以少許點眼大管內
又方加熊膽蚺蛇膽各少許更妙

右方以黃連治目痛解諸毒爲君龍腦去熱毒爲臣乃
君臣藥也凡目痛者俱宜用

摘鼻碧雲散

治腫眼目赤昏眵羞明癢癢癢癢風熱鼻壅腫淚外翳壅睛眩暈翳枯。

鵝不食草

二錢

青黛

真川芎

各一錢

右爲細末每用如大薤許先噙水滿口噙入身中以淚
出爲度不拘時

右方以鵝不食草解毒爲君青蘘去熱爲佐川芎大辛
除邪破宿爲使升透之藥也大抵如開鍋蓋法常欲使
邪毒不閉今有山路然力少而錫隨之隨効宜常噙以
聚其力凡目病俱可用

麤仁春雪膏

治肝經不足內受風熱上攻頭目昏睛癢痛
癰腫難開昏眩赤腫怕日羞明不能遠視迎

風有淚多
見黑花

麤仁

去皮
去油
四錢

龍腦

五分
研

先以麤仁研細入龍腦和勻用生好黃川白蠟二錢二

分再研和勻每用簪角蘸點內背銳些

右方以龍腦除熱毒爲君生蜜解毒和百藥爲臣麝仁
去熱治目痛爲使此藥與黃連鹽甘石散龍腦黃連
膏並用

風熱不制之病

風動而生熱譬猶烈火倏而必吹此物類感召而不能避
間者也因熱而召是爲外來久熱不散感而自生是爲內
發內外之邪爲病則一淫熱之禍條例如前蓋以風邪害
豈易止風加頭痛風加鼻塞風加腫脹風加涕淚風加腦
顛沉重風加肩骨酸疼有一於此者活勝風湯主之風加

三
瘕則以杏仁龍胆草炮散洗之病者有此數證或不服藥
或服藥瘕必隨之而生。瘕如雲霧瘕如絲縷瘕如秤星
瘕如秤星者或一點或三四點而至數十點瘕如螺螄者
爲病久不去治不如法至於極重爲服寒涼藥過多脾胃
受傷生意不能上升漸而至也然必要明經絡方能應手。
凡瘕自內背而出爲手太陽足太陽受邪治在小腸膀胱
經加蔓荊子蒼朮羌活勝風湯主之自銀屑客主人而入
者爲足少陽手太陽受邪治在胆與三焦小腸經
加龍膽草藥本少加人參羌活勝風湯主之自目系而下
者爲足厥陰手少陰受邪治在肝經心經加黃連倍加柴

胡適治勝風湯主之自抵過而上者爲手太陽受邪治在
小腸經加木通五味子羌活勝風湯主之熱甚者兼用治
淫熱之藥治鼻翳雲散俱治已上之證大抵如開鍋蓋法
治之隨効然力少而銳宜不時用之以聚其力雖然始者
易而久者難漸服再服而又服可也不服藥者則不治今
世醫用磨翳藥者有之用手注搗翳者有之噫翳猶瘡也
奚能卽愈乎痛醫用此非徒無益增害尤甚愚者蒙害欣
然而不悟可勝嘆哉故置風熱不制之病治法

羌活勝風湯

風勝者服此治眼多眵眼翳翳翳明赤腫痛
時頭痛鼻翳腫脹涕淚脂翳沉重眉骨痠疼
外翳如雲翳滿

搜。科。星。螺。滿。

柴胡七分 黃芩 白木各六分 荆芥穗 枳殼 川芎

白芷 川羌活 防風 獨活 前胡 蘇薄荷各五分

桔梗 甘草各三分

右剉劑白水二鍾煎至八分去滓食後熱服

右方為風熱不制而作也夫發不利者皆脾胃不足之證故先以枳殼白朮調治胃氣為君羌活川芎白芷獨活防風前胡諸治風藥皆主升發為臣桔梗除寒熱薄荷荆芥清利上焦甘草和百藥為佐柴胡解熱行少陽厥陰經黃芩療上熱主清少陽為使又治傷寒愈後之病熱服者熱性炎上者在下散不令流下也生醫者

隨翳所見經絡加藥翳凡自內眥

公莫荆了

太陽經加蒼朮去小腸膀胱之濕內眥

陽之屬也自銳眥而入客主人斜下者皆用

膽草味苦與膽味合少加入參益一焦之氣加葶

太陽經風藥銳眥客主人者足少陽手太陽之

屬也凡自目系而下者倍加柴胡行肝氣加黃連瀉心

火目系者足厥陰手少陰之屬也自抵過而上者加木

通導小腸中熱五味子酸以收斂抵過者手太陽之

杏仁龍膽草泡散

治風熱上攻
眦赤癢

滑石

另研

龍膽草

黃連

當歸尾

杏仁

去皮

赤芍

各一以白沸湯泡頓蘸洗冷熱任意不拘時候

有力以龍膽草黃連苦寒去熱毒爲君當歸尾行血杏仁潤燥爲佐滑石甘寒洩氣赤芍藥苦酸除癰爲使惟風癢者可用

七情五臟勞役飢飽之病

陰陽應象大論曰天有四時以生長收藏以生寒暑燥濕風寒暑燥濕風之發耶發而皆以時則萬物俱生發而皆不宜時則萬物俱死故曰生于四時死于四時又曰人有五臟化爲五氣以生喜怒憂思悲恐之發耶發而皆不中節則九竅俱生發而皆不中節則九竅俱死故曰

生於五臟死於五臟曰瘖之一也。光明視見納山川之大
及毫芒之細。悉雲霄之高。盡泉沙之深。是皆光明之所及
也。或因七情內傷。五賊外攘。饑飽不節。勞役異常。足陽明
胃之脈。足太陰脾之脈。爲戊己二土。生生之原也。七情五
賊。總傷二脈。饑飽傷胃。勞役傷脾。戊己旣病。則生生自然
之體。不能爲生生自然之用。故致其病曰。七情五賊。勞役
饑飽之病。其病紅赤睛珠痛痛如針刺。應太陽眼睫無力。
常欲垂閉。不敢久視。久視則酸疼生翳。皆成陷下。目陷者。
或圓或方。或長或短。或如點。或如縷。或如錐。或如鑿。證有
若此者。柴胡復生湯主之。黃連羊肝丸主之。睛痛甚者。當

歸養榮湯主之助陽活血湯主之加減地黃丸主之決明
 益陰丸主之加當歸黃連羊肝丸主之龍腦黃連膏主之
 已上數方皆升發陽氣之藥其中有用黃連黃芩之類者
 去五賊也嗜鼻翳者散亦可兼服最忌大黃芒硝牽牛石
 膏梔子之劑犯所忌則病重

柴胡復生湯

治紅腫明眼之症少壯人患此症者或因風火或
 應太陽陽明經力虛者或因病後久視久視
 則痠痛時陷下所陷者或如蟬或如蠅或如
 力或長或短或如蟬或如蠅或如蟬或如蠅

柴胡

六分

蒼朮

白

黃芩

各五

甘草

蘇薄荷

桔梗

各

分

獨活

荊子

一葉本

川芎

白芷

各三

分半

五

二十

右剉劑水二鍾煎至一鍾去滓食後熱服。

右方以藥木蔓荊子爲君升發陽氣也川芎白芍羌活
獨活白芷柴胡爲臣和血補血療風行厥陰經也甘草
五味子爲佐爲協諸藥斂臟氣也薄荷桔梗杏仁茯苓
黃芩爲使爲清利除熱去濕分上下實脾胃二土療目
中赤腫也此病起自七情五賊勞役饑飽故使元氣下
陷不能上升今主以升發輔以和血補血導入本經助
以相協收斂用以清和除熱實脾胃如此爲治功效可
成睛珠痛甚者當歸養榮湯主之

黃蓮羊肝丸

治目中赤脈甚多肝經不足風毒上攻
眼目昏暗淚出羞明怕日潮澀難開或癢或

痛又治遠年近日內外障翳等症
肉針刮不能治者此藥治之

川黃連

去須爲未

白羯羊肝一箇

先以黃連研爲細末將羊肝以竹刀刮下如糊去筋膜
入搗盆中研細入黃連末爲丸如梧桐子大每服三五
十丸加至七八十丸茶清湯送下忌猪肉及冷水

右方以黃連除熱毒明目爲君用羊肝者肝與肝合引
入肝經爲使不用鉞者金克木肝爲木也一有金氣
肝則畏而不受蓋專治肝經之藥非與肝脈者此也肝
獨受邪故專治之睛痛者肝經也

當歸養榮湯

治睛珠痛甚不可
忍者餘治同土

熟地黃

當歸

川芎

白芍

錢

川芎

防風

白芷

右剉劑白水二鍾煎至八分去滓溫服

右方以七情五賊勞役饑飽重傷脾胃脾胃多血多氣脾胃受傷則血亦病血養睛睛珠屬腎令生氣已不升發又復血虛不能養睛故睛痛甚不可忍以防風升發生氣白芷解利引入腎經爲君白芍藥止痛益氣通血承接上下爲臣熟地黃補腎水真陰爲佐當歸川芎行血補血羌活除風引入少陰經爲使血爲邪勝睛珠痛者及亡血過多之病俱宜服也服此藥後睛痛難除眼睫無力常欲垂閉不減者助陽活血湯主之熱者兼服

黃連羊肝丸

升陽活血湯

治眼睫無力常欲垂閉及眼發致熱壅白睛紅眵多淚無疼痛而癢難開此服寒藥太過而真氣不能通九竅也故眼昏花不明

炙甘草

黃芪

當歸

防風

各一錢

蔓荊子

白芷

各五

分柴胡

升麻

各七分

右四劑水二鍾煎至一鍾去滓稍熱服

右方以黃芪治虛勞甘草補元氣為君當歸和血補血為臣白芷蔓荊子防風主療風升陽氣為佐升麻導入足陽明足太陰脾胃柴胡引至足厥陰經肝經為使心火乘金水裏反制者亦宜服也有熱者兼服黃連羊肝丸

決明益陰丸

治眼目腫火少難開淚其多欠肉不痛者並皆治之

羌活

獨活

歸尾

酒製五味子

甘草

防風

各五錢

黃芩

一兩

石決明

知母

黃連

酒製

黃柏

酒製

決明

右爲細末煉蜜爲丸如梧桐子大每服五十丸加至百

丸清茶送下

右方以羌活獨活升清陽爲君黃連去熱毒當歸尾行血五味收斂爲臣石決明明目磨障草決明益腎療翳防風散滯祛風黃芩去目中赤腫爲佐甘草協和諸藥黃柏助腎水知母瀉相火爲使此益益水抑火之藥也內急外弛之病並皆治之

加減地黃丸

治男婦肝虛熱積上攻頭目翳膜遮睛凝滯赤熱此藥多治肝腎兩虛風邪所乘併治暴

生地黃

新熟地

各半枳殼兩三牛膝

當歸身各三

川芎

各一

防風兩

各一

右為細末煉蜜為丸如桐子大每服三十九空心食前

溫酒送下淡鹽湯亦可

右方以地黃補腎真陰為君夫腎水不足者相火必

勝用生熟地黃銀錢少許平虛逆敗血當歸益衝血為

臣變炒枳殼和胃氣當歸能生血是補其源杏仁潤肺

無化元酒防風俱升補精氣大陰風邪為七情五賊健

飽勞役之病。晴病者與當歸養血湯兼服。傷寒愈後之病。及血少血虛血亡之病。俱宜服。

血爲邪盛凝而不行之病

血陰也。類地之水。泉性本靜。行其勢也。行爲陽。是陰中之陽。乃坎中有火之象。陰外陽內。故行也。純陰故不行。也不行則凝。凝則經絡不通。經曰。足陽明胃之脈。常多血多氣。又曰。足陽明胃之脈。常生氣生血。手太陽小腸之脈。斜絡於目。背足太陽膀胱之脈。起於目內眦。二經皆多血少氣。血病不行。血多易凝。靈蘭秘典論曰。脾胃者倉廩之官。五味出焉。五味淫則傷胃。胃傷血病。是爲五味之邪。從本生

也。又曰：小腸者，盛受之官，化物出焉。遇寒則阻其化，又曰：膀胱者，州都之官，津液藏焉。遇風則散其藏。一阻一散，血亦病焉。是爲風寒之邪，從末生焉。凡是邪勝血病不行，不行漸滯，滯則易凝，凝則病始外見，以其斜絡目眚耶。以其起於目內眚耶。故病環目青黯，如被物傷狀。重者白睛亦黯，輕者或成班點。然不痛不癢，無淚眵眦澀之證。是以血爲邪勝凝而不行之病。此病初起之時，大抵與傷風證相似。一二日則顯此病也。川芎行經散主之。消凝大丸主之。睛痛者，更以當歸新藥湯主之。如此則凝散肅行，邪消病除，血復如故。寧有不愈者乎。

川芎行經散

治目中青翳如物傷
狀重者白時如血貫

桔梗

錢五

茯苓

錢七

薤白

子

白芷

防風

荆芥

薄荷葉

獨活

錢各四

柴胡

川芎

甘草

炙

錢三

當歸

枳殼

各六

紅花

錢二

共爲末每服三錢水二鍾煎至一鍾去滓乘熱食後服

右方以枳殼甘草和胃氣爲君白芷防風荆芥薄荷獨

活療風邪升胃氣爲臣川芎當歸紅花行滯血柴胡去

結氣茯苓分利除濕爲佐薤白薤子引入太陽經桔

梗利五臟爲使則胃脘調小腸膀胱皆利邪去凝行也

目熱者以消凝太九子主之

消凝大九子

治凝同上或有不
服原抄細并拾

川芎

當歸尾

枳殼

甘草

炙

延胡

家菊花

各七錢

防風一荆芥

羌活

蘇薄荷

藥本

各五錢

滑石

石膏

出槌子

白朮

黃芩

各一錢

先將滑石石膏另研餘作細末和勻煉蜜爲劑每劑二

兩分八九每服一丸或二丸茶湯嚼下

右方消凝滯藥也君以川芎當歸治血和血臣以羌活

防風荆芥藥本薄荷枳殼枳實引入手足太陽經

佐以白朮甘草滑石石膏黃芩通利通滯氣宜潤燥

陽明胃經之熱使以黃

菊花大熱降

邪風尅風熱不制者俱宜服也

氣爲怒傷散而不聚之病

氣陽也類天之雲霧性本動聚其體也聚爲陰是陽中之陰乃離中有水之象陽外陰內故聚也純陽故不聚也不聚則散散則經絡不收經曰足陽明胃之脉常多氣多血又曰足陽明胃之脉常生氣生血七情內傷脾胃先病怒七情之一也胃病脾病氣亦病焉陰陽應象大論曰足厥陰肝主木在志爲怒怒甚傷肝傷脾胃則氣不聚傷肝則神水散何則神水亦氣聚也其病無時淚痛癢澀明緊經之證初但昏如霧露中行漸空中有黑花又漸一物成二

體久則光不收遂爲廢疾蓋其神水漸散而又散終而盡散故也初漸之次宜以千金磁硃丸主之鎮墜藥也石斛夜光丸主之補益藥也菴陰腎氣丸主之壯水藥也有熱者菴陰地黃丸主之此病最難治餌服上藥必要積以歲月必要無饑飽勞役必要驅七情五賊必要德性純粹庶幾易効不然必廢廢者不復治久病光不收者亦不復治一證因爲暴怒神水散光遂無收都無初漸之次此一得永不復治之證也又一證爲物所擊神水散如暴怒之證亦不復治俗名爲青盲者是也世病者多不爲醫藥目目昏無傷始不經意目病已成世醫亦不識只曰熱之

所致竟以涼藥投治之殊不知涼藥又傷胃况不知涼為
秋為金肝為春為木涼藥又傷肝往往致廢然後已病者
猶不以藥為非而委之曰命也醫者猶不自誤用藥而委
之曰天也二者若此非將誰歸乎謹陳涼藥之概

千金磁硃丸

治神水寬大漸散昏如雲霧中行無根空中
有黑花漸視物放仁體久則光不聚及內障
刷水淡綠色
淡白色者

磁石吸針
者佳

辰砂 神麴

先以磁石置巨火中煨醋淬七次曬乾另研極細二兩
辰砂另研極細一兩生神麴末二兩與前藥和勻更以
神麴末一兩水和作餅煮浮為度搜入前藥煉蜜為丸

如桐子大每服十九加至三十丸空心飲湯下

右方以磁石辛鹹寒鎮墜腎經為君令神水不外移也
辰砂微甘寒鎮墜心經為臣肝其母此子能令母實也
肝實則目明神麴辛溫甘化脾胃中宿食為佐生用者
發其生氣熟用者飲其暴氣也服藥後俯視不見仰視
漸視星月者此其效也亦治心火乘金水衰反間之病
久病屢發者服之則永不更作寧心服之午前更以石
斛夜光九主之

滋陰地黃丸

治少血神勞腎虛眼目昏暗神水淡綠
色淡白色內障者服多眵者並治

當歸身製黃芩

熟地黃兩各半 枳殼錢半 天門冬去心
焙

柴胡 五味子 甘草各三錢 生地黃酒製兩半 黃連七兩

地骨皮 人參各二錢

右爲細末煉蜜爲丸如桐子大每服百丸食後茶湯送下日進三服

右方治主以緩緩則治其本也以黃連黃芩苦寒除邪氣之盛爲君當歸身辛溫生熟地黃苦甘寒養血涼血爲臣五味子味酸色黑體重收神水之散大人參甘草地骨皮天門冬枳殼苦甘寒瀉熱補氣爲佐柴胡引用爲使治亡血過多之病有熱者兼服當歸養榮湯

石斛夜光丸

治內障初起視覺微昏空中有黑花神水變淡綠色次則視物成二神水變淡白色久則

不視神水變純白色
及有眩淚眵等症

天門冬去心 麥門冬去心 人參 茯苓 熟地黃 生地黃

各一牛膝酒浸 杏仁去皮 枸杞子各七錢半 草決明八錢 川芎

犀角剉細末 白茯苓 羚羊角剉細末 枳殼炒 石斛五錢

五味子炒 青箱子 甘草 防風 肉蓯蓉 川黃蘗

各五錢 菊花 山藥 芫花酒煮各七錢

右為細末。煉蜜為丸。如梧子大。每服三五十丸。溫酒送下。

湯送下

右方補益藥也。補土治上。利以通利。以久不利。以通利。

故君以天門冬。人參。芫花。絲子。之類。皆安神強陰。除虛火。

臣以五味子麥冬杏仁茯苓枸杞子牛膝生熟地黃欬
氣除濕涼血補血也佐以甘菊花蘇枳石斛薤白川芎
甘草枳殼山藥青箱子療風治虛益氣益毒也使以防
風黃連草決明羚羊角犀角散滯瀉熱解結明目也陰
弱不能配陽之病並宜服之此從則順治之法也

益陰腎氣丸

白茯苓

乳蒸八錢澤瀉

四錢當歸尾

酒製丹皮

五味子

山藥

山茱萸

去核酒製柴胡

各五錢熟地黃

酒蒸三兩生地

酒炒四兩

右爲細末煉蜜爲丸如桐子大外水飛辰砂爲衣每服

五六十丸空心淡鹽湯送下

右方壯水之主以鎮陽光氣爲怒傷散而不聚也氣病
血亦病也肝得血而能視又目爲肝之竅肝藏血故以
生熟地黃並用補腎水真陰爲君茯苓健脾滲濕山黃
肉強陰益精五味子補五臟虛損收斂精氣使歸于目
爲臣當歸尾行血牡丹皮治積血澤瀉除濕泄邪爲佐
山藥益脾土柴胡引入厥陰經爲使蜜丸者欲泥膈難
下也辰砂爲衣者爲鎮於心也

血氣不分混而寒熱之病

輕清圓健者爲天故首用風重濁方厚者爲地故足象地
飄騰往來者爲天故氣藥用通流循環者爲水故血藥水

天降地升雲騰水流各宜其性故萬物生而無窮陽平陰
秘氣行血隨各得其調故百骸理而有餘反此則天地不
降升雲水不騰流各不宜其性矣反此則陰陽不平秘氣
血不行隨各不得其調矣故曰人身者小天地也難經曰
血爲榮氣爲衛榮行脉中衛行脉外此血氣分而不混行
而不阻也明矣故如雲騰水流之不相雜也大抵血氣如
此不欲相混混則爲阻阻則成結結則無所去還故隱起
於皮膚之中遂爲疣病然各隨經絡而見疣病自上眼睫
而起者乃手少陰心脉足厥陰肝脉血氣混結而成也初
起時但如豆許血氣衰者遂止不復長亦有久止而復長

者盛者則漸長長而不已如盃如盞如碗如斗皆自豆許
致也凡治在初須擇人神不犯之日大要令病者食飽不
饑先汲冷井水洗眼如沐勿使氣血得行然後以左手持
銅柱按眼睫上右手翻眼皮令轉轉則疣肉已突乃以左
手大指按之勿令得動移復以右手持小眉刀尖略破病
處更以兩手大指甲捻之令山水所出者如豆許小黃脂
也恐出而根不能斷宜更以眉刀尖斷之以井水再洗洗
後則無恙要在手疾爲巧事畢須投以防風散結湯數服
愈此病非手法決不能去何則爲血氣初凝時藥自可

初不知其爲血氣凝也既結則藥不能及矣故

司法去之去畢又以升發之藥散之藥手自至庶幾時

防風散結湯

治目上下瞤起肉流
用手法除病後服之

防風

羌活

歸尾

白芍藥

各六分

紅花

蘇木

各少許

蒼朮

白茯苓

獨活

前胡

黃芩

各五分

細甘草

防已

各四分

右剉剉水二鍾煎至一鍾熟服澤其煎

右方以防風羌活并發陽氣爲君白芍藥歸尾紅花

蘇木破凝行血爲臣茯苓瀉邪氣蒼朮去脾濕前胡利

五臟獨活除風邪黃芩燥熱滋化爲臣甘草和諸藥防

已行十二經爲使病在上瞤者加黃連柴胡以其手少

陰足厥陰受邪也病在下曉者加曼劑子以其手太陽足太陽受邪也

熱積必潰之病

積者重疊不解之貌熱爲陽陽平爲散陽淫爲邪邪行則病易見易見則易治蓋以積熱淫熱之病也若邪深則不行不行則伏因伏而積者漸月聚勢不得不爲積也積已久久積必潰潰者潰也潰者不治也爲邪積久久則必潰潰猶敗也其病雖不治在利也腹硬而物微硬內皆開竅如針孔按之則痛也其病在腹出有兩月也病者有一目獨病者曰偏肝內有積也其病在腹出有兩月也病者有一

也故曰熱積必潰之病又曰瀉時眼赤是也竹葉瀉經湯
主之大便不鞭者減大黃惟川蜜劑解毒丸主之不然藥
悞病久終為枯害矣

竹葉瀉經湯

治眼目癢澀翳覺眵膜視物微昏
內背開竅如針目痛按之膜漫出

柴胡

梔子仁

妙川羌活

升麻

甘草

炙

黃連

各五

白茯苓

澤瀉

赤芍

草決明

車前子

各四

黃芩

大黃

各六

青竹葉

十片

右列劑水二鍾煎至一鍾食後溫服

右方逆攻者也先以行足厥陰肝是太陽膀胱之藥為
君柴胡羌活是也二經生意皆總於脾胃以調足太陰

足陽明之藥爲巨野青草是也肝經多血以通順血
脉除肝邪之藥勝濕以利小便除膀胱濕之藥
爲佐赤芍藥草決明子茯苓車前子是也總破其積
熱者必攻必開必利爲降之藥爲使梔子黃芩黃連大
黃竹葉是也

鑄劑解毒丸

治證同上

山梔仁

炒末

杏仁

泡去皮

錦紋大黃

末

川石

黃芩

黃連

大黃

竹葉

是也

右末和蜜爲丸如桐子每服三十丸加至百丸茶清

送下

右方以杏仁甘潤治燥爲

熱之原也山梔子

微苦寒治煩爲臣爲煩爲熱所致也石蜜甘平溫安五臟爲佐爲其解毒除邪也大黃苦寒性走不守瀉諸實熱爲使爲攻其積不令其重疊不解也

陽衰不能抗陰之病

或問曰人有晝視通明夜視罔見雖有火光月色終爲不能觀物者何也答曰此陽衰不能抗陰之病諺所謂雀盲者也問曰何以知之答曰黃帝生氣通天論曰自古氣之通天者爲生之本天地之間六合九州之內其氣無不具貫人身九竅五臟十二節皆通乎天氣又曰陰陽之氣在人平旦陽氣生日中陽氣隆日西陽氣虛氣門乃閉又曰

陽不勝其陰則五臟氣虛九竅不通故知也問曰氣何以
辨其陽耶答曰凡人之氣應之四時者春夏爲陽也應之
一日者平旦至昏爲陽也應之五臟六腑者六腑爲陽也
問曰陽何爲而不能抗陰也答曰人之有生以脾胃中州
爲主靈蘭秘典曰脾胃者倉廩之官在五行爲土土生萬
物故爲陽氣之原其性喜生惡殺遇春夏乃生長遇秋冬
則斂藏或有憂思勞傷飲食不節而傷脾胃則五臟六腑之
動脾胃脾胃受傷則飲食不進而陽氣下陷則五臟六腑之
中陽氣皆衰陽氣既衰則陰氣獨盛陰氣
既盛故陽不能抗也問曰何故曰陽氣下陷也答曰胃中

爲足厥陰也。神水爲腎，腎爲足少陰也。肝爲木，腎爲水，水生木，蓋亦相生而成也。若怒傷肝，恐傷腎，肝腎受傷，亦不能生也。晝爲陽，天之陽也；晝爲陽，人亦應之也。凡受憂思，恐怒勞役，饑飽之傷，而陽氣下陷，遇天氣陽盛陰衰之時，我之陽氣雖衰，不得不應之而升也。故猶能晝視通明，夜爲陰，天之陰也；夜爲陰，人亦應之也。凡受憂思，恐怒勞役，饑飽之傷，而陽氣下陷，遇天陰盛陽衰之時，我之陽氣既衰，不得不應之而伏也。故夜視罔所見也。問曰：何以爲治？答曰：鎮陰升陽之藥。決明夜靈散主之。問曰：病見富貴者，平；貧賤者乎？答曰：憂思，恐怒，勞役，饑飽，貧賤者固多富貴。

者亦不能無之也

決明夜靈散

治目至夜則昏翳有燈月亦不能視

夜明砂

另研二錢

石決明醋煨研二錢

羯羊肝

一兩生用食猪者用猪肝

二藥末和勻以竹刀切肝作二片以上藥鋪於一片肝

上以一片合之用麻皮纏定勿令藥得洩出淘米泔水

一大碗連肝藥貯在罐內不犯鎖器煮至小半碗臨卧

連肝藥汁并服

右方以石決明鎮腎陰益精為君夜明砂升陽主夜明

為臣米泔水主肝胃為佐肝與肝合以入肝經為使

陰弱不能配陽之病

五臟無偏勝虛陽無補法。六腑有調候弱陰有強理。心肝脾肺腎各有所滋生。二臟或有餘四臟俱不足。此五臟無偏勝也。或浮或爲散。是曰陽無根。益之欲令實。補致不能。禁此虛陽無補法也。膀胱大小腸三焦膽包絡。俾之各有主。平秘永不危。此六腑有調候也。衰弱不能濟。遂使陽無禦。反而欲匹之。要以方術盛此弱陰。有強理也。解精微論曰。心者五臟之專精。目者其竅也。又爲肝之竅。腎主骨。骨之精爲神水。故肝木不和。內挾心火。爲勢妄行。火炎不制。神水受傷。上爲內障。此五臟病也。勞役過多。心不行事。相

火代之五臟生成論曰諸脉皆屬於目相火者心包絡也
主百脉上榮於目火盛則有脈沸騰上爲內障此虛陽病
也膀胱小腸三焦膽脉俱循於目其精氣亦皆上注而爲
目之睛睛之窠爲眼四腑一衰則精氣盡敗邪火乘之上
爲內障此六腑病也神水黑紫皆法於陰白眼赤脉皆法
於陽陰齊陽俾故能爲視陰微不立陽盛卽淺陰陽應象
大論曰壯火食氣少火生氣上爲內障此弱陰病也其病
初起時視覺微昏常見空中有黑花神水淡綠色次則視
岐靛一成二神水淡白色卽爲邪和養目湯主之益氣聰
明湯主之千金滋硃丸主之有附夜光丸主之有熱有瀉

熱黃連湯主之。久則不視。神水純白色。永爲廢疾也。然廢疾亦有治法。先令病者以冷水洗眼。如冰氣血不得流行。爲度。用左手大指次指。按定眼球。不令轉動。次用右手持鼠尾鍼。去黑睛如米許。針之。令入白睛翳厚。欲入甚難。必要手輕。方完。重針則破。然後針回。針首以針刀刮之。墮落則明。有落而復起者。起則重刮。刮之有至再三者。皆爲洗不甚冷。氣血不凝。故也。墮落之後。以絹裹黑豆數粒。令如杏核樣。使病目重閉。覆眼皮上用軟帛纏之。睛珠不得動移。爲度。如是五七日。纔許開視。視勿過勞。亦須服上藥。庶幾無失。此法治者五六不治者。亦四五五臟之病。虛陽之

病六腑之病。弱陰之病。四者皆為陰弱不能配陽之故。噫學者慎之。

神和養胃湯

治成內證兼治內障初起視覺微昏空中有黑花神水變淡綠色次則視物成二神水變淡白色久則不視神水變無白色

白茯苓

四分

柴胡

一分

土炒

升麻

各一錢

葛根

各一錢

白芍藥

六分

羌活

一錢

防風

各五分

黃芩

八分

三味子

三分

右剉劑水三鍾煎至一鍾生薑一片入黃連黃芩二錢

再煎至一鍾去滓稍熱食後服

右方因肝木不平內挾心火故以此藥調平肝入參養心

出酒心火爲君酒製當歸榮百脉五味歛百脉之州
胞包絡主血白芍藥順血脉散惡血爲臣白茯苓瀉勝
眊之濕滯活精利小腸之濕甘草補三焦防風升膽之
降爲佐陰陽皆總於脾胃黃芪補脾胃白朮健脾胃升
麻葛根行脾胃之經黃芩退壯火鮮薑散壯火爲導
爲使此方逆攻從順反其正宜慎備。

東垣瀉熱黃連湯

治眼暴發赤腫疼痛

黃連

酒製

黃芩

酒製

草龍膽

生地黃

各五

升麻

柴胡

七分

右剉劑水二鍾煎至一鍾去滓午時食前熱服午後服
之則陽逆不行臨睡休服爲反助陰也

右方治主治客之劑也治主者升麻主脾胃柴胡行肝
 經為君生地黃涼血為臣為陽明太陰厥陰多血故也
 治客者黃連黃芩皆療濕熱為佐龍膽草專除眼中諸
 疾為使為諸濕熱俱從外來為客也

益氣總明湯治諸同上并治耳聾耳鳴

蔓荊子錢半 黃芪錢半 人參各五錢 黃芩酒炒

白芍藥各一錢 甘草炙四錢 升麻各三錢 葛根各三錢

共為一劑水二鍾煎至一鍾去滓臨睡製好五更煎服
 右方以黃芪人參之甘溫治虛勞為君甘草之甘平承
 接和協升麻之苦平散風于陽明足陽明足太陽之

經爲臣以根之甘平蔓荊子之辛溫皆能升陽爲佐芍藥之酸微寒補中焦順血脈黃蘗之苦寒治腎水膀胱之不足爲使酒製又炒者因熱用也或有熱可漸加黃藥春夏加之盛暑倍加之脾胃虛者去之熱倍此者爲熱黃連湯主之

心火乘金水衰反制之病

天有六邪風寒暑濕燥火也人有七情喜怒悲思憂恐驚也七情內召六邪外從從而不休隨召見病此心火乘金水衰反制之原也世以目赤爲熱人所共知者也然不審其赤分數等各治不同有白睛純赤如火熱氣疾人者乃

淫熱反尅之病也治如淫熱反尅之病有白睛赤而腫脹
外眦虛浮者乃風熱不制之病也治如風熱不制之病有
白睛淡赤而細脈深者乃橫錯貫者乃七情五賊饑飽勞
役之病治如七情五賊他勞役之病有白睛不腫不服
忽如血貫者乃血爲邪勝凝而不行之病也治如血爲邪
勝凝而不行之病有白睛微變青色黑睛稍帶白色白黑
之間赤環如帶謂之平輪紅者此邪火乘金水衰反制之
病也此病或因目病日久抑鬱不舒或因目病慢服寒涼
藥過多或因目病時內多房勞皆能內傷元氣元氣一虛
心火亢盛故火能尅金金乃手太陰肺白睛屬肺水乃足

少陰腎器時屬腎水太過火水衰則不能克反受火制故
視物不明忤如霧露中或睛珠高低不平其色如死甚不
光澤赤帶抱輪而紅也口乾舌苦膠多黏澀稍有熱者還
陰救苦湯主之黃連羊肝丸主之川芎決明散主之無口
乾舌苦最多滋陰者以陽治血湯主之神驗錦鳩丸主之
萬應蟬花散主之有熱無熱俱服千金磁硃丸鎮墜心火
滋益腎水榮養元氣自然獲愈也噫天之六邪未必能害
人也惟人以七情召之而致也七情弗召六邪安從反此
者欲其無病奚可得哉

還陰救苦湯

治日久病白睛赤腫青黑精帶白色黑
白之間赤環赤帶之抱輪紅視物不明持

如霧露中。時白晝。其色如死。其不
光澤。口乾舌苦。多渴。上焦應有熱邪。

升麻 蒼朮 甘草梢 桔梗 柴胡 防風 各五分

川羌活 五分 細辛 二分 藥本 四分 川芎 錢一 當歸尾 土黃連

黃芩 黃蘗 生地黃 知母 連翹 各六分 紅花 分

龍膽草 三分

右剉劑白水二鍾煎至八分去滓熱服

右方以升麻蒼朮甘草溫培元氣為君為損者溫之也
以柴胡防風羌活細辛藥本諸升陽化滯為臣為結者
散之也以川芎桔梗紅花當歸尾行血脈為佐為留者
行之也以黃連黃芩黃蘗知母連翹生地黃龍膽草諸

去除熱邪藥爲使爲客者除之也奇經客邪之病強陽搏陰之病服此亦俱驗

菊花決明散

治證同上

石決明

東流水煮一伏時另研極細入藥

石膏

另研極細入藥

木賊草

川羌活

甘草

炙

防風

甘菊花

蔓荊子

川芎

黃芩

草決明

各等分

右爲細末每服三錢水三鍾煎至八分連末食遠服

右方以明目除翳爲君者草決明石決明木賊草也以散風甘陽爲臣者防風羌活蔓荊子甘菊花也以和氣順血爲佐者甘草川芎也以療除邪熱爲使者黃芩石

膏也內急外泄之病亦宜其治

神驗錦鳩丸 治證同上兼口乾舌乾

錦雞鳩 一隻跌死去皮毛頭嘴 挾苓 四兩 羊肝 一具竹

炙令焦 忌用 文武火連骨炙乾 針刀去筋膜肉桂 二兩 蔓荊子 一升淘淨滋器盛 牡蠣粉

甘菊花 各五錢 瞿麥 麩仁 去皮 草決明 川羌活 各

兩 細辛 防風 白蒺藜 炒去 川黃連 各五

右為細末煉蜜為劑杵五百下丸如桐子大每服二十

丸加至三五十丸空心溫湯下

右方以甘菊葉決明主明目為君以麩仁牡蠣黃連蒺

藜除濕熱為臣以防風羌活細辛之升上瞿麥黃連之

分下為佐以斑鳩補腎羊肝補肝肉桂導藥入肝腎
為使此方制之大者也腎肝位遠湯藥散不厭頻多之
意也

萬應蟬花散

治大人小兒遠年近日一切風眼氣眼或注
昏眼。臉生風粟或痛或癢漸生翳膜或久患

頭風牽搐兩目漸漸細小眼眶赤爛
並宜治之若常服此法風退翳明目

石決明

東流水煮一伏時
研極細一兩五錢蟬退去土當歸身 甘草

川芎

防風

白茯苓

羌活

各一兩

蒼朮

油製四兩

蛇退

炙三錢

赤芍藥

三兩

右為細末每服二錢食遠臨卧時濃米泔調下熱清茶

亦可

右方制之復者也奇之不去則偶之是爲重方也今用
蟬脫又用蛇脫者取其重脫之義以除翳爲君也川芎
防風羌活皆能清利頭目爲臣也炙甘草木通主脾胃
又脾胃多氣多血故用赤芍藥補氣當歸身補血爲佐
也石決明鎮墜腎水益精還陰白茯苓分陰陽上下爲
使也亦治奇經客邪之病耳

內急外弛之病

陰陽以和爲本過與不及病皆生焉急者緊縮不解也弛
者寬縱不收也緊縮屬陽寬縱屬陰不解不收皆爲病也
手太陰肺爲辛爲金也主一身皮膚毛髮以上下肢之外

者亦其屬也。手少陰心爲下，手太陽小腸爲內，丙丁爲火，故爲表裏。故分上下，而目之上下，眦之內者亦其屬也。足厥陰肝爲乙，乙爲木，其脈循上眦之內，火其子也，故與心合。心肝小腸三經受邪，則陽火內盛，故上下眦之內緊縮而不解也。肺金爲火尅，則受尅者必衰，衰則陰氣外行，故目之上下眦之外者寬縱而不收也。上下眦既內急外弛，故眦毛皆倒而刺裏睛。既受刺，則深赤生翳，生翳者睛受損也。故目所病者皆具。如羞明、沙澀、畏風、怕日、沁爛、或痛、或癢、生眵、流淚等證，俱見有以竹夾施於上眦之外者，欲弛者急急者弛，欲眦毛無倒刺之患者，非其治也。此徒能

解厄於目前而終復其病也何則為不審過與不及也為不能除其病原也
撥出血以左手大指迎其針鋒後以黃芩湯防風飲子主之無比
薤荊子湯主之漢明益陰九主之刺花決明散主之
之睛鼻若雲散亦宜重用如是則睛縮自弛宜縱漸急或過不及皆復為和夾治之法慎勿施也徒為苦耳智者宜審

黃芪防風飲子

治眼腫

急以散吹眼舉手慎睛生翳

薤荊子

黃芩

各

一

分

水

煎

服

各八

北細辛

二

分

水

煎

服

各八

分

錢

右剉剉白朮二鍾煎至一鍾去滓宜熱服

右方以蔓荊子細辛爲君除手太陽手少陰之邪肝爲
二經之母手平母安此實則瀉其子也以甘草葛根爲
臣治足太陰足陽明之弱肺爲二經之子母薄子卑此
虛則補其母也黃耆實皮毛防風散滯氣用之以爲佐
黃芩療濕熱去目中赤腫爲之使也

無比蔓荊子湯治證同上

黃耆一錢二分川黃連七分人參甘草各一錢柴胡七分

蔓荊子 當歸 葛根 防風各五分細辛三分

右剉剉白朮二鍾煎至一鍾去滓溫服

右方爲肺氣虛黃芪人參實之爲君心受邪耶黃連除
之肝受邪耶柴胡除之小腸受邪耶葛根除之爲臣
當歸和血葛根解肌爲佐防風療風散滯生甘草大瀉
熱火細辛通利九竅用葉者取其升上之意爲使也

奇經客邪之病

人之有五臟猶天地之有五嶽也六腑者猶天地之有四
瀆也奇經者猶四瀆之別有江河也奇經客邪非十二
經之治也十二經之治有治奇經之法也繆刺論曰邪
客於足陽蹻之脈令人腰痛從內背始啓立子王冰註曰
以其脈起於足上行至頭而屬目內眥故病令人目痛視

內眥始也。鍼經曰：陰蹻脉入頭，屬目。內眥合於太陽陽蹻而上升，故陽蹻受邪者，內眥即赤，生脉如縷，縷根生瘀肉，瘀肉生黃赤脂，脂橫侵黑睛，漸蝕神水，此陽蹻爲病之次第也。或兼銳眥而病者，以其合於太陽故也。銳眥者，手太陽小腸之脉也。銳眥之病，必輕於內眥者，蓋枝蔓所傳者小，而正受之者必多也。俗呼爲攀睛，即其病也。還陰救苦主之。撥雲退翳丸主之。梔子勝奇散主之。萬應蟬花散主之。磨障靈光膏主之。消翳復明膏主之。朴硝黃連盧甘石泡散主之。病多藥不能及者，宜治以手法。先用冷水洗如針內障眼法，以左手按定，勿令得動，移略施小眉刀尖。

剔去脂肉復以冷水洗淨仍作前藥餌之此治奇經客邪之法也故并置其經絡病始

撥雲退翳丸

治傷睛受邪內眦即生赤脉縷縷根生痰肉瘀肉生黃赤脂橫侵黑睛漸蝕神水銀背亦

赤俗呼名攀睛

白蒺藜

川當歸

川芎

各兩半

川椒

七錢

甘菊

花

地骨皮

荆芥

各八錢

木賊

去節

密蒙花

蔓荊子

各兩

蛇退

炙

甘草

各三錢

天花粉

六錢

楮實子

蠅退

去頭足

黃連

蘇薄荷

各五錢

右為細末煉蜜成劑每服一丸每服一丸食後服

睡細嚼清茶下

右方爲奇經客邪而作也。八十一難經曰：陽蹻脉者起於踝中，循外踝上行入風池。風池者，腦戶也。故以川芎治風入腦，以菊花治四肢游風。一療其上，一平其下。爲君蔓荊子，除手太陰之邪。蠅退、蛇退、木賊、草蜜、蒙花，除弱爲臣。薄荷、葉荊、芥穗、白蒺藜，治風者清其上也。柏實、子地骨皮，諸通小便者利其下也。爲佐。黃連除胃中熱。天花粉除腸中熱。甘草和協百藥。川椒、皮利五臟明目。諸氣所病則血亦病，故復以當歸和血爲使也。

梔子勝奇散

治一切赤脉、癰腫、風熱、痛癢、多淚、眼羞、明怕、日難、開。

白蒺藜

炒

蠅退

穀精草

甘草

木賊草

黃芩

炒

草決明 菊花 山梔子 炒川芎 荆芥穗 羌活

蜜蒙花 防風 蔓荊子 各等分

右爲細末。每服二錢。食遠臨睡。熱茶清調下。

右方以蠟退之。鹹寒。草決明之鹹苦寒爲君。爲味薄者。通通者。通其經絡也。川芎。荆芥穗之辛溫。白茯苓。穀精。草之苦辛溫。菊花之苦甘平。防風之甘辛。爲臣。爲氣辛者。發熱發熱者。升其陽也。羌活之苦甘溫。蜜蒙花之甘微寒。甘草之甘平。黃芩之苦之辛微寒。爲佐。爲氣清者。發洩發洩者。清利其諸關節也。以木賊之甘微苦。山梔子。黃芩之微苦寒。爲使。爲味厚者。泄泄者。攻其壅滯之有。

餘也

磨障靈光膏

治諸同止

磨甘石

另以黃連一兩到置水內燒

黃丹

水煎三兩研少

白丁香

取海螵蛸

取輕粉各一兩

川黃連

到如豆大一兩

為麝香

另乳香各五錢

當歸身

二錢龍腦少許

先用好白沙蜜一十兩或銀器或砂鍋內熬五七沸以

淨紙搭去浮面之蠟將諸藥摻入用柳枝攪勻次下黃

丹再攪慢火徐徐攪至紫色却將麝香乳香輕粉細研

和勻入此藥內以不粘手為度急丸如皂角子大以紙

裹之每用一丸新汲水化開旋入龍腦少許時時上

右方以黃連去邪熱主明目為君以黃丹除毒除熱蘆
甘石療濕收散為臣以當歸和血脉麝香乳香諸香通
氣輕粉殺瘡為佐以礪砂之能消海螵蛸之磨障尉白
丁香之消腐肉龍腦之散赤脉去外障為使也

消翳復明膏

治證同上

海螵蛸

取末三兩

黃丹

水飛四兩

柯子

八兩去核取末

白沙蜜

一觔

青鹽

另研一兩

先將蜜熬數沸淨紙濾去渣子却下黃丹用棍攪勻旋

下餘藥將至紫色取出

龍胆草

二兩

黃連

十兩

杏仁

七十五個去皮尖

木賊草 一兩

麤仁 五錢 去殼皮

先將藥入磁器內。水一斗。浸之。春秋五日。夏三日。冬十日。入鍋內。文武火熬至小半升。濾去滓。重湯頓成膏。子却入前藥。熬之。攪至紫色。入龍腦一錢。每用少許。點上藥。乾淨水化開用。

右方以黃連爲君。爲療邪熱也。麤仁杏仁龍膽草爲臣。爲除赤痛潤燥解熱毒也。黃丹青鹽龍腦白沙蜜爲佐。爲收濕爛益腎氣療赤腫和百藥也。柯子海螵蛸木賊草爲使。爲澁則不移消障磨翳也。

爲物所傷之病

養之固者。則八風無以窺其隙。本之密者。則五臟何以受其邪。故生之者天也。召之者人也。雖生弗召。莫能害也。爲害不已。召之甚也。生氣通天論曰。風者百病之始也。清淨則肉腠閉拒。雖有大風苛毒。莫之能害。陰陽應象大論曰。邪風之至。疾如風雨。故善治者治皮毛。夫肉腠固。皮毛密。所以爲害者安。從來也。今爲物之所傷。則皮毛肉腠之間。爲隙必甚。所傷之際。豈無七情內移。而爲衛氣衰憊之原。二者俱召風安。不從。故傷於目之上下左右者。則目之上下左右俱病。法當作除風益損湯主之。傷於眉骨者。病自目系而下。以其手少陰有隙也。加黃連。除風益損湯主之。

傷於額者。病自抵過而上。傷於耳中者。病自銳眚而入。以
其手少陽有隙也。加柴胡除風益損湯主之。傷於額交巔
耳上角及腦者。病自內眚而出。以其足太陰有隙也。加蒼
朮除風益損湯主之。傷於耳後耳角耳前者。病自客主人
之穴斜下。傷於頰者。病自銳眚而入。以其手陽明有隙也。
加枳殼除風益損湯主之。傷於頭角耳前後及自銳眚後
者。病自銳眚而入。以其足少陽有隙也。加龍膽草除風益
損湯主之。傷於額角及巔者。病自目系而下。以其足厥陰
有隙也。加五味子除風益損湯主之。諸有熱者。更當加黃
芩。兼服加減地黃丸。傷甚者。須從權倍加大黃。瀉其敗血。

六節藏象論曰肝受血而能視此菴滋血養血復血之藥也此治其本也又有物暴震神水遂散更不復治故并識之於此

除風益損湯治目為物傷者

當歸 白芍 熟地 川芎各錢 蔓本 前胡 防風各七分

右剉劑白水二鍾煎至八分去滓大熱服

右方以熟地黃補腎為君黑睛為腎之子此虛則補其母也以當歸補血為臣血所養今傷則血病白芍藥補血又補氣為血病無氣也為臣川芎治血虛頭痛蔓本通血去頭風為佐 胡防風並療風邪但不解

爲使非治亡血過多之病。傷於眉骨者。病自目系而下。以其手少陰有隙也。加黃連療之。傷於額者。病自抵過而上。傷於耳者。病自銳眚而入。以其手少陽有隙也。加柴胡療之。傷於額交頰耳上角及腦者。病自內眚而出。以其足太陽有隙也。加蒼朮療之。傷於耳後耳角耳前者。病自客主人斜下。傷於頰者。病自銳眚而入。以其足少陽有隙也。加龍膽草療之。傷於額角及顙者。病自目系而下。其足厥陰有隙也。加五味子。眵淚多。羞澀赤腫者。加黃芩療之。凡傷甚者。從權倍加大黃瀉其敗血。

傷寒愈後之病

傷寒病愈後。或有日復大病者。以其清陽之氣不升。而餘邪上走空竅也。其病癰澀赤脹。生翳。羞明。頭腦骨痛。宜作羣隊升發之劑。餌之。數服斯愈。傷寒論曰。冬時嚴寒。萬類深藏。君子固密。不傷於寒。觸冒之者。乃名傷寒。其傷於四時之氣者。皆能爲病。又生氣通天論曰。四時之氣。更傷五臟六腑。一病則濁陰之氣不得下。清陽之氣不得上。今傷寒時病。雖愈。濁陰清陽之氣。猶未來復。濁陰清陽之氣未復。則餘邪尚熾不休。故其走上而爲目之害也。是以一日而愈者。餘邪在大陽。二日而愈者。餘邪在陽明。三日而愈者。餘邪在少陽。四日而愈者。餘邪在太陰。五日而愈者。

者餘邪在少陰六日而愈者餘邪在厥陰七日而復是皆
清陽不能出上竅而復受其所害也。當為助清陽上出則
善。人參補胃湯主之。羌活勝風湯主之。加減地黃丸主之。
啗鼻碧雲散亦宜用也。忌大黃芒硝苦寒通利之劑。用之
必不治。

人參補胃湯治傷寒愈後餘邪不散上走空竅其病
癰澀赤眼生翳障羞明頭腦骨皆痛。

羌活獨活各 白芍藥 生地黃 澤瀉各三

人參 白茯苓 炙甘草 白朮 黃芪

熟地黃酒蒸當歸身各四 柴胡 防風各五

右剉劑白水二鍾煎至一鍾去滓熱服

右方分利陰陽升降吐下之藥也羌活獨活爲君者導陽之升也茯苓澤瀉爲臣者導陰之降也人參白朮大補脾胃內盛則邪自不容黃芪防風大實皮毛外密則邪自不入爲之佐也當歸熟地黃俱生血謂目得血而能視生地黃補腎水謂神水屬腎白芍藥理氣柴胡行經甘草和百藥爲使

強陽搏實陰之病

強者盛而有力也實者盛而內充也故有力者強而欲搏內充者實而自收是以陰陽無兩強亦無兩實惟強與實以偏則病內搏於身上見於虛竅也足少陰腎爲水腎之

精上爲神水。手厥陰心包絡爲相火。火強搏水。水實而自收。其病神水緊小。漸小而又小。積漸之至。瞳仁竟如茱子。許又有神水外圍。相類蟲蝕者。然皆能觀而不昏。但微覺眵腺差澀耳。是皆陽氣強盛而搏陰。陰氣堅實而有禦。雖受所搏。終止於邊鄙皮膚也。內無所傷動。治法當抑陽緩陰。則愈。以其強耶。故可抑。以其實耶。惟可緩。而不宜助。助之則反勝。抑陽酒連散主之。大抵強者則不易入。故以酒爲之導引。欲其氣味投合。入則可展其長。此反治也。還陰救苦湯主之。療相火藥也。亦宜用啗鼻碧雲散。然此病世亦罕見。醫者要當識之。

抑陽酒連散

治神水緊小漸加菜子大許神水外圍相類
惡蝕者然皆能觀物不昏微有肥澀之症

獨活

生地黃

各四錢

黃藥

漢防已

知母

各三錢

蔓荆子

前胡

川羌活

白芷

生甘草

各四錢

防風

各四錢

山梔

炒

黃芩

酒製

寒水石

黃連

酒製各五錢

共為末每服三錢白水二鍾煎至一鍾去滓大熱服

右方抑陽緩陰之藥也。以生地黃補腎水真陰為君。獨

活黃藥知母俱益腎水為臣。蔓荆子羌活防風白芷羣

隊升陽之藥為佐者。謂既抑之令其分而更不相犯也。

生甘草黃芩梔子寒水石防已黃連寒而不走之藥為

使者。惟欲緩之不欲祛陰也。凡用酒製者為之引導耳。

亡血過多之病

六節藏象論曰。肝受血而能視。宣明五氣篇曰。久視傷血。氣厥論曰。膽移熱於腦。則辛頰鼻淵。傳爲衄。衄。目。繆刺論曰。冬刺經脉。血氣皆脫。令人目不明。由此推之。目之爲血所養明矣。手少陰心主血。血榮於目。足厥陰肝開竅於目。肝亦多血。故血亡目病。男子衄血。便血。婦人產後崩漏。亡之過多者。皆能病焉。其爲病。睛珠痛。珠痛不能視。羞明。癰澀。眼睫無力。眉骨太陽因爲酸痛。當作芎歸補血湯主之。當歸養榮湯主之。除風益損湯主之。滋陰地黃丸主之。諸有熱者加黃芩。婦人產漏者加阿膠。脾胃不佳。惡心不

進食者加生薑復其血使有所養則愈然要忌鹹物宣明
五氣篇曰鹹走血血病無多食鹹是忌

芍歸補血湯

治男子衄血便血婦人產後崩漏亡血過多致睛珠疼痛不能視物羞明酸澀眼眵無力肩骨太陽俱各酸疼

生地黃

天門冬

各四分

川芎

牛膝

白芍藥

白朮

炙甘草

防風

各五分

熟地黃

當歸身

各六分

右剉劑水二鍾煎至一鍾去渣溫服惡心不進食者加

生薑煎服

右方專補血故以當歸熟地黃為君川芎牛膝白芍藥

為臣以去祛風續絕定痛而通補血也甘草白朮大和

胃氣用以爲佐防風升發生地黃補腎天門冬治血熱
血亡必生風燥故以爲使

癰疹餘毒之病

東垣李明之曰諸癰疹皆從寒水逆流而作也予之初生
也在母腹中母呼亦呼母吸亦吸呼吸者陽也而動作生
焉饑食母血渴飲母血飲食者陰也而形質生焉陰具陽
足十月而降口中惡血曰啼卽下却歸男子生精之所女
子結胎之處命宗所謂立牝立關者也此血僻伏而不時
發或因乳食內傷或因濕熱下溜營氣不從逆於肉理所
僻伏者乃爲所發初則膀胱壬水夾脊逆流而尅小腸丙

火故頸項已上先見也次則腎經癸水又剋心火故胸腹
已上次見也終則二火熾盛反制寒水故胸腹以下後見
也至此則五臟六腑皆病也七日齊七日盛七日謝三七
二十一日而愈者七日爲火數故也愈後或病疽病瘡者
是皆餘毒尚在今其病日者亦然與風熱不制之病稍同
而異總以羚羊角散主之便不輟者減硝黃未滿二十一
日而病作者消毒化癰湯主之此藥非獨能治目蓋專爲
痘後餘毒發癰作也初起已著服之便令消化稀者則不
復出方隨四時加減。

羚羊角散

治小兒痘後餘毒不解上攻眼
目生翳五明脈淚俱多面赤肺開

草決明 芒利 升麻 防風 車前子 黃芪

大黃

羚羊末將角細銼
俱各等分

右爲末每服二錢水一鍾煎至半鍾去滓溫服。

右方以羚羊角主明目爲君升麻補足太陰以貫內逐其毒也黃芪補手太陰以貫外禦其邪也爲臣防風升清陽車前子瀉濁陰爲佐草決明療赤痛淚出黃芩大黃芒硝用以攻其固熱爲使然大黃芒硝乃大苦寒之藥智者當量其虛實以爲加減未滿二十一日而疾作者消毒化癰湯主之。

消毒化癰湯治小兒癰疹未滿二十一日而疾作者餘證同上

柴胡 藥木 生地黃 連翹 細辛 黃蘗 酒製

川黃連 當歸 甘草 各四分 花粉 吳茱萸 白朮

蘇木 陳皮 乾葛根 各二分 麻黃 防風 升麻

川羌活 各五分 黃芩 酒製 葶藶 水製 川芎 各三分

右剉劑水二鍾煎至一鍾去滓溫服。

右方非獨能於治目蓋專為發疵而置也今以治癰之劑治目者以其毒尚熾盛又楊害於目也夫癰疹之發初在膀胱主水剋土勝肉火能消藥本乃治足太陽之藥次則腎經癸水剋心火細辛主少陰之藥故為君終則二火熾盛風木剋水故為臣麻黃防風川芎升發

陽氣祛諸風邪。葛根柴胡解利邪毒。升麻散諸鬱結。白
朮蒼朮除濕和胃。生甘草大退諸熱。爲佐。氣不得上下。
吳茱萸陳皮通之。血不得流行。紅花蘇木順之。當歸愈
惡瘡。連翹除客熱。故爲使。此方君臣佐使逆從反正。用
藥治法俱備。通造化明藥性者。能知也。如未見癰疹之
前。小兒耳尖冷。呵欠睡中驚。噴嚏眼澀。知其必出癰者。
急以此藥投之。甚者則稀稀者立已。已後無復出之患。
深疳爲害之病。

衛氣少而寒氣乘之也。元氣微而飲食傷之也。外乘內傷。
釀而成之也。父母以其純陽耶。故深冬不爲裳。父母以其

惡風耶。故盛夏不解衣。父母以其數饑耶。故乳後強食之。
父母以其或渴耶。故乳後再飲之。有爲父母愚戇者。又不
審其寒暑飲食。故寒而不爲暖。暑而不能涼。飲而不至渴。
食而不及饑。而小兒困玄臧。然抱疾而不能自言。故外乘
內傷。因循積漸。釀而成疴也。渴而易饑。能食而瘦。腹脹不
利。作嘔。嘔聲日遠。又爲難生。且病其病生。閉不能開。
眵淚如糊。久而流膿。皆此病也。何則。爲陽氣下走也。爲陰
氣反上也。治法當如陰陽論。家大論曰。清陽出上竅。濁陰
出下竅。清陽發腠理。濁陰行五臟。清陽行四肢。濁陰歸六
腑。各還其原。不反其常。是治也。作升陽降陰之劑。扶

苓瀉濕湯主之升麻龍膽草飲于主之此藥非獨於目并治已上數證然勿緩緩則危也為父母者其慎諸

扶苓瀉濕湯

治小兒易饑而渴瘦瘠腹脹不利作嘔營聲目病生翳膜閉不開眩深如糊久而流膿俗為疳毒服

毒服

柴胡分四白朮

甘草炙

蔓荊子

人參

枳殼

楚法

茯苓

薄荷葉

各二分

前胡

蒼朮

獨活

各三分

防風

真川芎

羌活

各三分

澤瀉

一分半

右剉劑水一鍾半煎至六分去滓溫服

右方為小兒寒暑飲食不調而釀成此證夫寒暑飲食

不節皆能傷動脾胃脾胃者陰陽之會元也故清陽

而不升。渴陰上而不降。今以白朮人參先補脾胃為君。柴胡甘草枳殼輔諸藥補脾胃為臣。蒼朮燥濕。茯苓澤瀉導濁。陰下降為佐。然後以羌活獨活防風蔓荊子前胡川芎薄荷諸治風藥以勝濕引清陽上升為使。此正治神効之法也。

升麻龍膽草飲子

又名消睛散。治小兒疳眼。流膿生翳。濕熱為病。瘰癧眼中諸疾之症。

羌活

黃芩

炒

龍膽草

青蛤粉

各五分

蛇退

甘草

炙

穀精草

川鬱金

各三分

麻黃

一分半

升麻

二分

右剉劑作細末。亦可。每服二錢。熱茶清濃調下。右方君以升麻行足陽明胃足太陰脾也。臣以羌活麻

黃風以勝濕也佐以甘草承和土下穀精草明目退翳
蛇蛻主小兒驚疳等疾使以青蛤粉治疳止利川鬱金
補血破血龍膽草療眼中諸疾黃芩除上熱目內赤腫
火炒者爲龍膽草性已苦寒恐不必則又過於寒也